

EIKESTAD NASORG INLIGTING: 2021

Lees asb die onderstaande inligting aandagtig deur:

Nasorghoof

Naam	Selnommer	E-pos adres	Verjaarsdag
Nicola van der Merwe	0845808283	nicolavdm01@gmail.com	22 Maart

Nasorg-assistente

Naam	Taak	Selnommer	Verjaarsdae
Sheila Warelely	Hoof toesighouer en assistent	07315888865	20 November
Jo-Anne Mhoney	Toesighouer		15 Oktober
Cherlene Ruiters	Toesighouer	0721449139	7 November

Struktuur van die Nasorg

'n Vasgestelde roetine word daaglik gevolg:

1. Na skool meld die kinders by die nasorg aan en word op die register afdruk.
2. Die kind eet beoefen sport en doen huiswerk. (Afhangende van u kind se program)
3. Daarna is dit speelyd.

Bogenoemde roetine mag verskil van kind tot kind – afhangende van die buitemuurse program.

Spyskaart

DAG	KOS	VRUGTE/VERSNAPPERINGE
Maandag	Hoenderpastaïtjies	Vrug + sap en water
Dinsdag	Vetkoeke (Somertyd)	Vrug + sap en water
Woensdag	Hotdog	Jellie en vla + sap en water
Donderdag	Ham en kaas hamburger	Vrug + sap en waer
Vrydag	Chicken en mayo snackwich	Lekkers + sap en water

Huiswerk

- **Die kinders word in groepe verdeel wanneer hulle huiswerk doen.**

1. Graad R

Hulle is in die gelukkige posisie om heeldag te speel. Inkleurprente/inkleurboeke word verskaf. Dit sal waardeer word indien elkeen sy eie uitdraaikryte kan bring. Hulle kan ook hul eie speelgoed saambring – natuurlik op eie risiko.

Verder verwag ons dat elke kind ekstra skoon klere (duidelik gemerk) sal saambring.

2. Grondslagfase (Graad 1 tot 3)

Daar word deeglik huiswerk in hierdie fase gedoen. Die leerders kry elke dag 'n huiswerkvel wat opgestel word volgens die huiswerkprogram wat deur verskillende klasonderwysers uitgewerk word. Die leerders se huiswerk word onder toesig van myself en Sheila gekontroleer.

Die Grondslagfase benodig die volgende skryfbehoeftes vir die huiswerkklas:

- Huiswerkboek
- Potloodsakkie
- Uitdraaikryte
- Skêr
- Grys HB potlode
- Uitveër
- Liniaal
- Skerpmaker

3. Intermediêre fase (Graad 4 tot 7)

Die graad 4 tot 7 leerlinge doen huiswerk onder toesig van myself. Hierdie leerders moet self verantwoordelikheid en dissipline aan die dag lê vir die voltooiing van huiswerk. Die leerders moet ten minste 45 min elke dag huiswerk doen. Daar word verwag dat daar stilte in die klas sal heers terwyl huiswerk gedoen word. Leerders moet mekaar hiervoor respekteer.

Reëls vir die kinders

- Leerders moet na skool aanmeld sodat hulle op die register afgemerkt kan word.
- Hulle moet op die regte terrein speel en altyd sigbaar wees.
- Hulle moet te alle tye eerlik wees teenoor hul medenasorglede asook personeellede.
- Hulle moet respek toon teenoor almal (personeel, leerders, hulself) asook die eiendom van die nasorg.
- Boeliegedrag, terg en afknou is nie aanvaarbaar nie.
- Klip/ sand/akker en enige ander gooiery is taboe.
- Hulle moet te alle tye gehoorsaam wees en hul samewerking gee.
- Daar mag nie in die badkamers gespeel of geëet word nie.
- Kinders mag hul eie speelgoed bring, maar die nasorg aanvaar geen verantwoordelikheid vir speelgoed wat breek of wegraak nie. Hul doen dit op eie risiko.

Kinders moet probeer om hierdie reëls na te kom . Kinders wat nie die reëls nakom nie, sal gestraf word na gelang van hul oortreding. Herhaalde oortredings kan lei tot skorsing. Goeie en regverdige oordeel word gebruik. Ons het 'n gedragskode en verskillende vlakke van oortredings met die toepaslike strafmaatreëls.

Na gelang van bg maak ons staat op die selfdissipline wat u as ouer by u kind kweek. 'n Goed opgevoede kind het 'n goeie fondasie en 'n sterk karakter en kan dus die regte keuses maak en die regte besluite neem in moeilike situasies.

Ons is dus afhanklik van ouers se positiewe ondersteuning om u kinders te motiveer om die personeel se outoriteit te respekteer. Ons maak staat op u hulp en sodoende kan ons 'n gesonde nasorg bou!

Ouers moet onthou om:

- Hul kinders voor of stiptelik om 17.30 af te haal . Indien u laat is en ons nie in kennis stel nie, sal u 'n boete betaal.
- **Die boetes is as volg: 17:30-17:40: R100, 17:40 tot 17:50: R150, 17:50-18:00: R200**
- **Hul kinders by die nasorg te kom uitteken.**
- Die nasorg in kennis te stel indien hul deur iemand anders afgehaal word of indien u kind nie die dag die nasorg gaan bywoon nie.
- Die buitemuurse vorm volledig te voltooi sodat die nasorg deeglike kontrole oor u kind se bewegings kan hou.
- **Elke aand u kind se huiswerk te kontroleer. Dit bly steeds die verantwoordelikeid van die ouers.**
- Die nasorg voorsien van u kind se nodige skryfbehoeftes (dus 'n aparte potloodsakkie vir die nasorg).
- Elke dag gepaste en gemerkte klere vir die nasorg in te pak. Alle artikels moet duidelik gemerk wees.
- Enige inligting wat verander bv adres, selfoonnommers, e-pos adresse, ens dadelik aan ons deur te gee.
- **Die nommers van die assistente op hul fone te stoor, aangesien ek nie altyd beskikbaar is nie.**

Vakansiesorg

- Addisionele bedrag van R70 per dag per kind word vereis.
- Ons is elke vankansie oop. Ons sluit gewoonlik die 15de Desember tot min of meer 8 Januarie.
- Daar word uitsappies gedurende die vakansie gereël. Hou dit in gedagte vir u begroting.
- 'n Spesiale vakansiesorgvorm word aan u uitgedeel met 'n sperdatum waarop u dit moet voltooi.
- **Die Nasorg is gesluit op openbare vakansiedae, asook skole vakansiedae.**

Betalings

- Bedrag: R900 per maand per kind vir 2021.
- Die bedrag is betaalbaar vir 11 maande van die jaar. (U betaal dus vir Januarie, maar nie vir Desember nie).
- Die bedrag moet vooruitbetaalbaar word – voor die 5de van die maand.
- Die bedrag kan kontant of deur die internet betaal word. Indien dit deur die internet betaal word, moet u kind se naam en van as verwysing dien.
- **Inbetalings kan in die volgende rekening gemaak word:**
H.N. van der Merwe
ABSA
REKENING NOMMER: 9120689238

Komitee

- Die nasorg het 'n komitee wat een keer per kwartaal vergader en sekere sake rondom die nasorg bespreek.
- Die komitee bestaan uit die volgende lede:

Ouer	Kind/ers	Selnommer
Marilee Potgieter	Tiana Peyper	0761963409
Antoinette Veldtman	Clara en Otto	0846530523

Ons sal besluit of daar enige fondsinsamelings die jaar gaan wees, asook waarvoor.

Dissiplinêre komitee

- 'n Dissiplinêre komitee is saamgestel om insette te lewer met dissiplinêre verhore.
- Die volgende persone dien op hierdie komitee:

Ouer	Titel	Selnommer
Michelle Nortje	Leerderondersteuner by Laerskool Eikestad	0796588234
Lourez Swart	Prokureur	0824135093
Nicola van der Merwe	Nasorghoof	0845808283

Dvd's

- Dvd's moet noukeurig deur die personeellede gekies word met die inagneming van die leerders se ouderdom.
- Gewelddadige dvd's en dvd's met ontoepaslike inhoud mag ook nie vertoon word nie.
- Ouers moet asb bogenoemde in ag neem wanneer daar dvd's na die nasorg gestuur word.
- Ouers sowel as personeellede moet leerders motiveer om so min as moontlik televisie te kyk.

Algemeen

- Kommunikasie vind plaas dmv selfone (hetsy 'n oproep, sms en ander) asook deur die stuur van 'n e-pos.
- Indien u enige vrae het of onseker is oor iets, is u welkom om my te kontak by: 0845808283 of 'n e-pos te stuur na: nicolavdm01@gmail.com

ONS GLO DAT DIE NASORG VIR U AS OUERS, LEERDERS EN PERSONEEL 'N BAIE GELUKKIGE PLEK SAL WEES MET GEMOEDSRUS VIR ELKEEN.

Nasorggroete

NICOLA VAN DER MERWE